



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
4 di sèptèmber 2014	Jhanirha Anita	jhanirha.anita@gobiernu.cw	

MINISTER BALBORDA A LAGA KITA BARANKA NA ALTURA DI MIRADOR NA SANTA MARTHA

Willemstad - Resientemente Minister Balborda a duna enkargo na Servisio pa Obra Públiko pa laga kita e baranka ku tin na e Mirador na Santa Martha.

Na e sitio aki, tabata tin un baranka ku pa hopi tempu pueblo i turista por usa pa para saka potrèt.

E baranka popular aki ta na e rant di e seru, i por a tuma nota ku e la kuminsábira un peliger pa usuarionan. Esaki ta pa motibu ku durante di añanan, bientu i áwaseru a koba bou di e baranka di forma ku ela sker habri. Parti ariba, e sker a bira hasta 50 cm hanchu.

Pa e motibu aki, Minister Balborda a pidi konseho di tur e servisionan konserní ku naturalesa i a tuma e desishon di laga kita e barankanan aki promé ku algu mester sosodé ku kualke bishitante di e sitio.

Servisio pa Obra Públiko a tene kuenta ku eroshon i a los kada baranka kuidadosamente pa evitá ku nan lo a lora bai abou i destruí e vegetashon.

Di e forma aki Minister Balborda ta sigui traha pa garantisá seguridat di pueblo di Kòrsou i su bishitantenan.